



Ƨvuku ya ngewa

2



★ Kĩmena kya Ngũkũ
na Ndiũ

★ Wambũa na Nyũnyi



Primary Math and Reading (PRIMR) Initiative

Kikamba


Mūvea

- Ministry of Education, Science and Technology (MoEST)
- UK Department for International Development (DFID)
- RTI International
- SIL LEAD

Kĩmena kya Ngũkũ na Ndiũ

Mũandĩki: **Jacinta Mũtukũ**

Mũsoli: **Simon Ndonge**





Ngũkũ ya Mũtũa yaĩ na kaswii.
Na ĩndĩ kaswii kawaa na
kakoma.



Nayo Ngũkũ yathi kũmantha
mũiti.

Na yathĩĩwa nĩ Nganga ĩlatye
mbũambũĩ.






Na Ngūkū yalatya mūiti na
yatia kaswii kakomete.

Na Mbūambūĩ yeetĩkĩla kũthi
kūiita Kaswii.

Īndĩ Ndiũ yoonā kaswii
kakomete yakavulya na
yaũlũka.

Ngũkũ yasyoka yeethĩa kaswii
kaivo na yakamantha mũno.

Na yĩkamantha yoonā kyuu kya
Ndiũ na kaswii na yasembany'a
kyuu kĩu.





Īndĩ Ndiũ yona Ngũkũ yaũlũka
yathi vyũ.

Ngũkũ yaua mbu na yasya,
“Ndikew’ana na Ndiũ ãngĩ
nongi!”





Kuma mūthenya ūsu, ngūkū
na tūswii twayo syoona ndiū,
isembaa ikathi kwĩvitha.

Mokūlyo

1. Kaswii ka ngūkū ya Mūtūa keekie ata?
2. Mūiiti wa kaswii aĩ ũũ ?
3. Ndiũ yeekie ata yoona kaswii?
4. Ngūkū yeekie ata yalea kwĩthĩa kaswii kayo?
5. Ngūkū na ndiũ ileaa kwĩw'ana nĩkĩ?

Wambũa na Nyũnyi

Mũandĩki: Angelina Kĩoko

Mũsoli: Simon Ndonge

Ndoti na Wambũa nĩmendete kũthaũka ĩthaũ ya kwĩivithanĩa. Mũthenya ũmwe Ndoti na Wambũa matiiwe mũsyĩ, nyinyia athi ndũnyũ. Atanathi nyinyia nĩwameeie maikokĩlye ĩsilia yĩla wakulumanĩtye yĩlũ wa mesa.

Nyinyia athi Ndoti na Wambũa nĩmaendie kũthaũka vu nza.

Īndĩ weethĩa mosũanĩo ma Wambũa me o yĩla ĩsilianĩ ĩkulumanie. Wambũa eea Ndoti, “Tũthi tũkĩlye tũsisye o ĩmwe. Mwaitũ ndeũka kũmanya.” Ndoti amwĩa, “Aiee. Mwaitũ aisye tũikokĩlye.”






Na ĩndĩ mambĩĩlya kũthaũka
ĩthaũ ya kwĩivithanĩa. Yĩla
ivinda ya Wambũa ya kwĩivitha
yavikie, asemba nyũmba. Na
ookĩlya yĩla ĩsilia o vanini.



Nīvo nyūnyi yaūlūkile mītūkī
yathi. Nake Wambūa akwatwa
nī w'īa. Asembany'a nayo
weethīa ndamīkwata na
amisyāĩsya mūvaka vala
yavūĩlile.



Īndĩ yĩla
Wambũa
weew'ie
nyinyia okĩte
asemba
alĩsa mũtĩnĩ.
Nake nyinyia
amwona na
amũkũlya,
“Wĩĩka ata mũtĩnĩ?” Wambũa
amwĩa, “Nĩmantha ĩla nyũnyi
yaku.”



Inyia wa Wambũa amũkũlya,
“Nyũnyi yĩva?” Wambũa
amũsũngĩa, “Īla wĩĩkunĩkĩte na
ĩsilia.”

Nyinyia amūkūlya, “Ndimūtavisye mūikakunūe ĩsilia yīu! Ūkunūie nīkī?” Wambūa akilya.

Kavinda kanini ūvonge watūlīka Wambūa avalūka nthī.





Nyinyia amwĩa, “Ndyakūtavisye, mbaa matũ ãtũlaa kyano na ãtambĩ!”

Wambũa na Ndoti mavika mũsyĩ nyinyia amekalisye nthĩ na amatavya nũseo kwĩthĩwa me syana mbĩwi.

Mokūlyo

1. Nyinyia wa Ndoti na Wambūa aendie va?
2. Atanathi ameeie ata?
3. Ndoti na Wambūa mathaũkaa ĩthaũ yĩva?
4. Wambūa eekie ata ĩvinda yake ya kwĩivitha yavika?
5. Wambūa ookĩlya ĩsilia nĩ kyaũ kyeekĩkie?
6. Wambūa eekie ata yĩla weew'ie nyinyia okĩte?

★ Kĩmena kya Ngũkũ na Ndiũ

★ Wambũa na Nyũnyi

Mavuku ma PRIMR maandikitwe kwa nzĩa yĩ mwanya nĩ kana matetheesye syana sya kĩlasi kya mbee na kya kelĩ mendeewe nĩ kũneena, kũsoma na kũandika kĩkamba.

Ngewa ila syĩ mavukuni aa nĩsyautetheesya syana syende kũsoma kĩkamba nza wa kĩlasi na kũlilikana kĩla masoma. Mavuku aa nĩmailite kwa asomi ma kĩkamba kwa ũndũ maandikitwe matetheesye ũmanyisyani wa kĩthyomo kya kĩkamba.

Kwĩanisa maundu aa oonthe, ngewa ila syi mavukuni aa nĩsuanite:

- Kūtũmia kĩthyomo kĩvuthu na kĩla kĩna mĩsoa mĩkuvi.
- Mavisa mena langi mũseo na maitavanitye ngewa yonthe ĩndi matũmiitwe kunenga syana mea ma kwenda kũsoma kĩla kĩ ngewani ĩsu.
- Kĩthyomo kĩvuthu kwa kũelewa ĩndi kĩtuma syana syi sily'a muno yĩulu wa kila ma soma.

Mavuku ala angĩ nĩ:

- *Kĩla Kĩtumaa Ndunduli Īlũka Ūtukũ na Kavalũkũ na Mbiti*
- *Kĩmena kya Ngũkũ na Ndiũ na Wambũa na Nyũnyi*
- *Kũkũanĩwà Īkwasi na Walĩku na Ūwau wa Mũthelo*
- *Mbiti Īendaa Īithua Nĩkĩ? na Nguu na Ndiũ*
- *Mũeni na Katoonu na Kĩmeu na Kasũkũ*